

रमते रावल ने म्हारा,
आदेश देणा,
अरे रमतें रावल ने म्हारा,
आदेश देणा हां हां,
जद शिवरु जद भेला हेलो,
जद शिवरु जद भेला हेलो,
रमतें रावल ने म्हारा,
आदेश देणा ॥

नदी रे किनारे अबदु,
अमली उगी हां हां,
पेड़ कदम मच्छली खायो हेलो,
रमतें रावल ने म्हारा,
आदेश देणा ॥

भाखर खुड़के अबदु,
हिरणी ब्याही हां हां,
पाँच पिरगला लाई हेलो,
रमतें रावल ने म्हारा,
आदेश देणा ॥

शुचियो शिंकारी अबदु,
वनखंड चाल्यो,
पाँच मिरगला मारया हेलो,

रमतेँ रावल ने म्हारा,
आदेश देणा ॥

भैंस ब्याणी अबदु,
खुंटो दुजे,
माखण विरले खायो हेलो,
रमतेँ रावल ने म्हारा,
आदेश देणा ॥

गुरु शरणे जती मच्छेंदर,
गोरख बोले हे हे,
जिण खोज्या उण पाया हेलो,
रमतेँ रावल ने म्हारा,
आदेश देणा ॥

रमते रावल ने म्हारा,
आदेश देणा,
अरे रमतेँ रावल ने म्हारा,
आदेश देणा हां हां,
जद शिवरु जद भेला हेलो,
जद शिवरु जद भेला हेलो,
रमतेँ रावल ने म्हारा,
आदेश देणा ॥

गायक अशोक गिरी गोस्वामी हाथीतला ।
प्रेषक रामाराम सैन ।



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>